

LA QUOTIDIANA

FMR Fundaziun Medias Rumantschas, Via da Masans 2, 7000 Cuir, 081 544 89 11, redacziun@fmr.ch



Il «Stamm» economic da Surses

La constituiziun dal cumin ha dà discussiun a l'ultima sentupada da l'uniun da commers e mastirants. **Pagina 11**



In program da correctura surmiran

Il rumantsch arriva en la moderna: Il computer sa a partir d'immediat correcter texts surmirans. **Pagina 11**



Cun gronds pass vers Berna

Il cusseglier nazional *Martin Candinas* va cun svung eschlantsch vers la proxima sessiun. La fin da november vegn el numnadament elegi per la durada d'in onn en in dals pli auts uffizis en

Svizra – el daventa president dal Cussegl nazional. Durant dus onns ha el ussa gi la chaschun da sa preparar cun in «empen-dissadi» sco vicepresident. Ma bainprest vegni serius. La FMR

è sa scuntrada cun il parlamentari tar la staziun da Cuir ed ha discurti cun el davart il rumantsch, la crisa en Europa ed ils cussegls ch'el dat a ses uffants. (fmr/dat) **Paginas 2 e 3**

SURSELVA

«La bova mava forsia in meter sper nus giu»

Las malaurs dils 16 da november 2002. Ellas han mess en moviment plauncas e vals e las bovas han devastau parts dils vitgs da Schlans e Rueun. La FMR ha avon entgins dis discurti cun *Bruno* ed *Albert Pfister* ch'ei stai a Schlans quella sonda tragica e numblidivla. «Nus eran serrai en, la bova mava dretg e seniester sper nus giu, forsia in meter naven da nus, seregorda Bruno Pfister. Las regardientschas dad els ein aunc bein presentes e fan pial gaglia. (fmr/sr/sb) **Pagina 7**

ENGIADINA

«Ûn grond proget da famiglia»

Blers giuvens e giuvnas chi van ùna giada giò la Bassa nu tuorman suvent pli in Grischnun per lavurar. Orer es quai pro'ls trais fradglions *Zogg, Andrea, Martina* e *Domenic Zogg* sun tuornats per realisar e manar l'Hotel Arnica a Scuol. Ils genituors dad els vaivan miss la basa e cumanza cun ün garni avant 20 ons. Intant dombra'l 33 stanzas ed ha bundant ùna trentina d'impiegats. «Il Arnica es adüna stat ün grond proget da famiglia.» (fmr/nb) **Pagina 9**

«Igl ei stau da far, nus havein buc giu ditg peda da studiar»

Albert Pfister e sias memorias dals 16 da november 2002 – Pagina 7

Dependa da populaziun e vischnaunca

Igl avegnir d'ina stizun cun products pil mintgadi en Val Medel ei pusseivels mo sin fundament da differentas premissas. Las principalas ein la prontadad dalla populaziun da far leu las cumpras ed il sustegn finanziel dalla vischnaunca.

HANS HUONDER/FMR

Igl unviern vegnent dat ei negina stizun en Val Medel. Quei ei clar. Ils aspects ch'ei savess denton puspei dar ina naven da primavera ein empermettents. Quei muossan ils resultats d'in workshop che ha giu liug la sonda. En quel ha la Pro Associazion Stizun vultu saver dallas habitontas e dils habitonts il meini davart ina stizun era igl avegnir. «Senza che la populaziun fetschi sias cumpras ella stizun va ei segramein buca. In'ulteriura impurtanta premissa ei il sustegn finanziel dalla vischnaunca», di *Gabriel*

«Senza che la populaziun fetschi sias cumpras ella stizun va ei buca.»

Gabriel Venzin-Marty, commember dalla Pro Associazion Stizun

Venzin-Marty dalla gruppa d'iniziativa. Damai che la stizun siara gia la fin da quest meins, du-ein las sondaziuns e preparativas per ina nov'entschatta dalla stizun succeder pli spert che previu. El meglier cass savess ella vegnir aviarta gia il matg 2023. Entochen lu ha ei num fundar l'associazion, haver furnitus e persunal. Las localitads che s'audan alla vischnaunca da Medel ei lezza pronta da renovar il proxim temps. Tenor Gabriel Venzin-Marty ei l'idea da menar in cantun sco café ella stizun curdada sin in bien resun. Ei duess esser ina purschida d'autosurvetsch. **Pagina 5**

30046 Servetsch d'abunents e da distribuziun: tel. 0844 226 226 mail: abo@somedia.ch

